

18 DE MARTZU 2021 - DII DE ARREMÒNIU NATZIONALI PO IS VÌTIMAS DE S'EPIDEMIA DE CORONAVIRUS

• 18 de martzu de su 2021



“Sa Repùblica arreconoscit su 18 de Martzu cumenti dii natzionali de arremòniu de is vītimas de Coronavirus...cun sa tarea de chistiri e coidai de s'arregordu de totu sa genti chi s'est morta po mori de custa epidemia”.

Una dii scioberada de manera simbòlica in sa dii prus tràgica de s'epidemia, candu in Bèrgamo, logu cracau de sa prima undada, unu curteu longu de camion de s'esèrcitu ant liau

centus de baullus cun is mortus distinaus a sa crematzioni aforas de sa tzitadi.

Sa Sìndiga Francesca Fadda puru, impari cun sa lòmpera in Bèrgamo de su Presidenti de su Cunsillu de is Ministrus, at a aturai ainnantis de sa Domu Comunali, cun sa fàscia tricolore posta, e at a fai unu minutu de citiori a is ùndixi oras de mengianu, cun sa tarea de chistiri e coidai de s'arregordu de totu sa genti chi s'est morta po mori de custa epidemia.

Si inditat a sa comunidadi intrea de donai unu pensamentu de dolu e apresiadura po arregordai is medas vītimas chi funt prangendi is comunidadi cosa nostra, e onorai a su sacrificziu e su traballu de is operadoris sanitàrius.